

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2015/2344****2020/EES/69/12****frá 15. desember 2015****um tæknilega framkvæmdarstaðla að því er varðar gjaldmiðla með takmarkanir á tiltækileika lausafjäreigna
í samræmi við reglugerð Evrópuþingsins og ráðsins (ESB) nr. 575/2013 (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 575/2013 frá 26. júní 2013 um varfærniskröfur að því er varðar lánastofnanir og verðbréfafyrirtæki og um breytingu á reglugerð (ESB) nr. 648/2012 ⁽¹⁾, einkum 4. mgr. 419. gr.,*og að teknu tilliti til eftirfarandi:*

- 1) Í ákvæðum 1. mgr. 412. gr. reglugerðar (ESB) nr. 575/2013 er sett fram krafa um lausafjárþekju, sem segir að stofnanir verði að eiga lausafjäreignir til að tryggja að þær viðhaldi fjárhæðum varaforða lauss fjár sem nægja til að mæta mögulegu ójafnvægi á milli innstreymis og útstreymis lausafjár.
- 2) Framseld reglugerð framkvæmdastjórnarinnar (ESB) 2015/61 ⁽²⁾, sem samþykkt var samkvæmt 460. gr. reglugerðar nr. 575/2013, greinir ítarlega frá kröfunni um lausafjárþekju.
- 3) Ef rökstudd þörf fyrir lausafjäreignir í ljósi kröfu um lausfjárþekju er meiri en nemur tiltækileika þessara eigna í gjaldmiðli skulu ein eða fleiri undanþágur gilda um þann gjaldmiðil, eins og fram kemur í 2. mgr. 419. gr. reglugerðar (ESB) nr. 575/2013.
- 4) Því er nauðsynlegt að auðkenna þá gjaldmiðla sem ættu að fá undanþágu og tilgreina að hvaða marki slík undanþága ætti að vera tiltæk.
- 5) Til að meta rökstudda þörf fyrir lausafjäreignir notaði Evrópska bankaeftirlitsstofnunin (EBA) bestu fánleg gögn sem lögbær yfirvöld gátu veitt um lausafjäreignir í gjaldmiðli og fjárhæð lausafjäreigna sem aðrir fjárfestar gerðu kröfu um og því ekki tiltæk til að mæta þörfum stofnana fyrir lausafjäreignir.
- 6) Evrópska bankaeftirlitsstofnunin hefur auðkennt norska krónu (NOK) sem gjaldmiðil með takmarkanir á tiltækileika lausafjäreigna. Auðkenningin fór fram fyrir gildistöku framseldrar reglugerðar (ESB) 2015/61, þar sem Evrópska bankaeftirlitsstofnunin mat tiltækileika lausafjäreigna í samræmi við alþjóðlega staðla sem Baselnefndin um bankaeftirlit hefur samþykkt. Við matið kannaði Evrópska bankaeftirlitsstofnunin fjárhæðir lausafjäreigna, sem ekki er krafist af einum sem falla ekki undir reglugerð (ESB) nr. 575/2013, og bar saman við þarfir stofnana á grundvelli áætlaðs, vegins, hreins útstreymis handbærs fjár næstu 30 daga, með tilliti til þaks á innstreymi, þátta sem eru líklegir til að hafa áhrif á skort á lausafjäreignum á þriggja til fimm ára tímabili og 110% markmið fyrir kröfu um lausafjárþekju.
- 7) Niðurstaða mats Evrópsku bankaeftirlitsstofnunarinnar var sú að rökstudd þörf fyrir lausafjäreignir væri meiri en næmi tiltækileika lausafjäreigna í norskum krónum. Ríkisskuldabréf eru meðal auðseljanlegustu lausafjäreigna en hvað Noreg varðar er framboð á norskum ríkisskuldabréfum tiltölulega takmarkað vegna góðrar fjárhagsstöðu. Þótt alþjóðlegar stofnanir og fjölpjódlegir þróunarbankar hafi einnig gefið út skuldabréf í norskum krónum í háum fjárhæðum fóru þessar útgáfur að mestu leyti fram í lokuðu útboði á vegum erlendra fjárfesta og Evrópska bankaeftirlitsstofnunin lítur því ekki á þær sem auðseljanlegar og tiltækar stofnunum innan gildissviðs reglugerðar (ESB) nr. 575/2013. Að lokum var mat Evrópsku bankaeftirlitsstofnunarinnar byggt á alþjóðlegum lausafjárstöðlum sem Baselnefndin um bankaeftirlit samþykkti á meðan mat á því hvort rökstudd þörf á lausafjäreignum sé umtalsvert meiri en tiltækileiki lausafjäreigna í gjaldmiðli ætti að byggjast á skilgreindum lista yfir lausafjäreignir sem ákvarðaður er í framseldri reglugerð (ESB) 2015/61. Sá listi tiltekur meira úrval lausafjäreigna, einkum í tengslum við sértryggð skuldabréf. Hins vegar nægir þessi

(*) Þessi ESB-gerð birtist í Stjtuð. ESB L 330, 16.12.2015, bls. 26. Hennar var getið í ákvörðun sameiginlegu EES-nefndarinnar nr. 82/2019 frá 29. mars 2019 um breytingu á IX. viðauka (Fjármálaþjónusta) við EES-samninginn, sjá EES-viðbæti við *Stjórnartíðindi Evrópusambandsins* nr. 44, 2.7.2020, bls. 71.

(1) Stjtuð. EB L 176, 27.6.2013, bls. 1.

(2) Framseld reglugerð framkvæmdastjórnarinnar (ESB) 2015/61 frá 10. október 2014 um viðbætur við reglugerð Evrópuþingsins og ráðsins (ESB) nr. 575/2013 að því er varðar lausafjárþekjukröfu fyrir lánastofnanir (Stjtuð. ESB L 11, 17.1.2015, bls. 1).

munur ekki til að breyta þeirri niðurstöðu Evrópsku bankaeftirlitsstofnunarinnar að rökstudd þörf fyrir lausafjáreignir sé meiri en nemur tiltækileika lausafjáreigna í norskum krónum.

- 8) Evrópska bankaeftirlitsstofnunin hefur haft opið samráð við almenning um srögin að tæknilegum eftirlitsstöðlum sem þessi reglugerð byggir á, greint mögulegan tengdan kostnað og ávinning og óskað eftir álit hagsmunahópsins um bankastarfsemi, sem komið var á fót í samræmi við 37. gr. reglugerðar Evrópuþingsins og ráðsins (ESB) nr. 1093/2010. Í samræmi við aðferðina sem sett er fram í 15. gr. reglugerðar Evrópuþingsins og ráðsins (ESB) nr. 1093/2010 ⁽³⁾ studdi framkvæmdastjórn Evrópusambandsins með breytingum drög að tæknilegum framkvæmdarstaðli sem Evrópska bankaeftirlitsstofnunin lagði fram, eftir að hafa sent drögin að tæknilegum framkvæmdarstaðli aftur til Evrópsku bankaeftirlitsstofnunarinnar með útskýringum á breytingunum. Evrópska bankaeftirlitsstofnunin veitti formlegt álit sem styður þessar breytingar og staðfestir að ekki ætti að breyta þeirri fjárhæð rökstuddrar þarfar fyrir lausafjáreignir sem er umfram tiltækileika lausafjáreigna í norskum krónum eins og lagt er til að hún sé í upphaflegu drögunum að tæknilegum framkvæmdarstaðli.

SAMÞYKKT REGLUGERÐ ÞESSA:

1. gr.

Rökstudd þörf fyrir lausafjáreignir í ljósi kröfunnar í 412. gr. reglugerðar (ESB) nr. 575/2013 skal teljast umfram tiltækileika þeirra lausafjáreigna í gjaldmiðlum sem tilgreindir eru í viðauka við þessa reglugerð sem nemur hundraðshlutanum sem tilgreindur er í þeim viðauka.

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 15. desember 2015.

Fyrir hönd framkvæmdastjórnarinnar,

Jean-Claude JUNCKER

forseti.

⁽³⁾ Reglugerð Evrópuþingsins og ráðsins (ESB) nr. 1093/2010 frá 24. nóvember 2010 um að koma á fót evrópskri eftirlitsstofnun (Evrópska bankaeftirlitsstofnunin), um breytingu á ákvörðun nr. 716/2009/EB og niðurfellingu ákvörðunar framkvæmdastjórnarinnar 2009/78/EB (Stjútíð. ESB L 331, 15.12.2010, bls. 12).

VIÐAUKI

Listi yfir gjaldmiðla með takmarkanir á tiltækileika lausafjáreigna

Nr.	Gjaldmiðill	Réttmæt þörf fyrir lausafjáreignir er umfram tiltækileika sem nemur tilgreindum hundraðshluta
1.	Norsk króna	63%